

iekuūn oko'ai, kiitsipim' ki ipokau'piniuax ap'otūk kix mōkitokōnai'nīsi.

59 Annok', omūk'atoiapiekuax ki omūks'-imix nūn'ax ki ikōnau'kōkitsīmax, īstūp'iksīstapenūpanīssīnni ap'satsīmiau mōks'enitōsauaie Jesus;

60 Ki matokonim'axau; otsito'tosax akai'tappix aīksīstapenūpanix, matokonim'axau. Sako'okhtsim ito'toīau na'tsitappiix ai'tapksīsenūpanix,

61 Ki an'iau, am'o nin'au an'iu nitokot'opūksīnip Ap'istotok'iuā otatoi'apioyis ki nitokot'sokapīstutsip nioks'kai ksīstīku'i.

62 Ki Sp'atoi'apiekuūn it'sipau', ki an'īstīuaie, kitakstaie'puyipa? Tsaīstapiu'a am'ox kitse'nūpanīpau?

63 Ki Jesus matsepuyiu'ats. Ki Sp'atoi'apiekuūn mat'anīstīuaie, kita'tauūnīsto Ap'istotokiua ipai'tappīuā, kōk'anīksīnan ikūm'ūneniki Christ, Ap'istotokiua okku'i.

64 Jesus an'īstīuaie, kitsemūniani; ki kit-an'īsto sako'okhtsim kitaks'īnoauai'īni Nin'au okku'i, otsitau'pīssi otūmap'sīnni īstset'otsīsi ki umutsipuk'sīpusi Spots'im īstsisoksis'tīku-īsts.

65 Sp'atoi'apiekuūn itūmai'pinotsīmēsts otsīstotos'īsts ki an'iu, itūpepo'atomaie Ap'istotokiua; nitak'otsīkipīnana stīk'ix e'ēnūpanix? Sat'sik, kikai'okhtoauau oksīs'tapīnikōttsīmani.

66 Tsa kit'stapuauā? an'iau, mōks'eīnsi.

67 Itūm'itaisokuttūttsīuaie ostoksīs'aie, ki oto'auēsts itsītauaiak'īuaie: ki stīk'ix omī'tsīxikīnstspuauēsts itsītauaiak'īuaie,